


NAATITSINISSAMUT ILITSESUUT



NAATITAT MIKISUT SUUPPAT?



Naatitat mikisut naatinnerinit piffissaq sivisunngitsoq qaangiukkaangat piiarneqarsinnaalertarput. Peqqinnartorujussuupput, aammalu inuussutissaqarluarlutillu vitamineqartorujussuupput mamaqalutillu. Nammineerlusi angerlarsimaffissinni klassissinniluunniit naatissinnaavasi.

Ukioq naallugu Microgreen Gardens atorlugu naatitsisinnaavusi. Imeq qullerlu atorlugit ukiukkut naatitaqarfiunngitsumi nammineerlusi naatitsisinnaavusi. Tamanna isumaqarpoq nunami sumiikkaluarussiluuniit naatitanik immissinnut pilersorsinnaasusi!

SOORUNA NAATITSISSASUGUT?



Nuannerami ilikkarnarlunilu, sapaatillu akunneri 1-2 iluinnaani naatitaateqalissallusi. Ullut tamaasa naatitassi alliartorneri malinnaaffigisinnaavasi, qanorlu mamaqarnersut nammineq ussersinnaallusigit.

AALLARTINNISSASSINNUT SUUT ATUSSAVISIGIT?

1. Microgreen Garden LED-mik qullilik
2. Naatitassat (solsikke, radise, eertat, karse aamma broccoli)
3. Natersuaq naatitsiffik
4. Imerteruk imaluunniit imermut kanni
5. Piiaanissamut qiuutit





NAATITSINISSAMUT ILITSERSUUT ALLORIARFINNUT NASSUIAGAQ

Alloriarfik 1: Microgreen Gardenip piareersarnera

- Qinniit atorlugit ataanut saviminiusumut, savimineq ilitsivik ikkuguk.
- Imermut ilitsivik, naatitsivik naatitsinermullu natersuaq ataanut taagornerisa tulleriaarneri malillugit iliorakkit.
- Adaptereq qullermut ikkuteriarlugu ikkuffimmut ikkutiguk.
- Qullip ikittarfia (on/off) toorukku qulleq LED-usoq ikissaaq/ qamissaaq.
- Akunnermut inissiisarfia (timer) tooruk. Marloriarluni ikittaaruni akunnermut inissiffia aallartissaaq - taamaalilluni akunnerit 12-it ikumassaaq / akunnerillu 12-it qaminngassalluni.

QR-kodi
scanneruk
videulu takullugu



1 Qulleq LED-usoq akunnermut
aalajangersimasumut inissittagaq,

2 Naatitsissutip matua

3 Natersuaq naatitsissut

4 Naatitsiffik

5 Erngup puua


6 Ataa saviminiusoq

7 Assak atorlugu qinniit
ikkussassat

8 Adapter



Alloriarfik 2: Naatitsineq




- Natersuaq naatitsiffik imermik serpartarlugu isugutserneqassaaq, masassanngilarli.
- Natersuarmut naatitassaq siaruarterneqassapput.
- Naatitassat natersuarmut attuulluarumallugit assannik naqinneqassapput.
- Imermik immertagaq imilerneqassaaq - affaannaa immerneqassaaq.
- Ullut 2-4 siulliit naatitassat matoqqatinneqassapput.



Natersuaq naatitsiffik
isugutseruk



Naatitassat
ikkussuutikkitt



Naatitassat
isugutatikkitt



Naatitassat
matoqqatikkitt


Alloriarfik 3: Naatitsineq ineriartornerilu



- Ullut tamaasa naatitassat misissorneqartassapput, serpartartoaq atorlugu imerterneqartassapput isugutaannaavitsinneqassallutillu.
- Naatitat 1-2 cm-isut angitigilerpata matua peerneqassaaq.
- Naatitassaq ullormut akunnerit 12-it qullermi LED-usumiittassapput. Ikittarfia tooraanni, timerikkut akunnerit inissinneqarsinnaapput. Marloriarluni ikikkuni akunnerit 12-it ikumasussanngortarpoq.



Naatitassat ullut
tamaasa
misissorneqartassapp
ut



Naatitassat
ikkunnerisa kingorna
matua peerneqassaaq



Qulleq LED-usoq ikiguk



Fotosyntese
aallartippoq, pilutallu
qorsunngoriartulissall
utik

Alloriarfik 4: Piiaaneq poortuinerlu

- Ullut tamaasa naatitat misissorneqartassapput isugutatsinneqassallutillu.
- Naatitsinermi ullut 7-14 qaangiuppata piarneqarsinnaanngortarput
- Qiuutit atorlugit sorlaa tikingajallugu piarneqassapput
- Naatitat puumut matulluartartumut poorlugit, nerineqarnissami tungaannut nillartaatsivimmiinneqarsinnaapput. Naatitat ullut tallimat missaat nillartaatsivimmiissinnaapput.



Piarneqarnissaminut
piariilivipput



Qiuutit atorlugit
naatitat
piarneqassapput



Poorlugit
piarneqassapput



Misilneqarsinnaanngorput...



Alloriarfik 5: Microgreenimik erruineq atoqqinerlu

- Naatitsereernerit kingorna Microgreen Garden erruinerlut qaqorsaaserlugu errorneqartassaaq. Bakterianinginniassammat. Natersuaaraq naatitsiffik sorlaqjareernermit atoqqinneqalaarsinnaavoq.

SIUNNERSUUTITSIALAAT

Oqut bakteriallu pinaveersaartikkut

Silaannarissartarit, naatitassallu imermut ipitinnaveersaarlugit. Naatitsereernermit, naatitsinnginnermilu Microgreen Garden erruinerlut qaqorsaaserlugu errortaruk.

Imertingitsoorpiuk?

Ajunngilaq, naatitassat imerteqqilaaginnassavatit, aqqeqqipallassapput.

Eertamik naatitsissutissaq kineqqaaruk

Eertamik naatitsissutissaq naatinnginnerani akunnerit 12-24 kininneqaaqpaassaaq. Naatikkuminarnerulertarpoq oqunnginnerullunilu.

Ilinniusianut

NAATITSISA-mut

atatillugu aamma isumassarsiorfissamik digitaliusumik saqqummersitsisoqarpoq, taannalu aqqutigalugu akullerni pinngortitalerinermi, oqaatsinik atuartitsinermi iganermilu atuartitsinermi sammineqarsinnaasut takuneqarsinnaapput. Isumassarsiorfissaq atuartunillu sammisassat nutaaliorta.gl-imi

1. juuni 2025 pissarsiarineqarsinnaalissapput.



Ilitsersuut Bent B. Olesen Qaqortumiittoq
suleqatigalugu suliarineqarsimavoq.